



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Jumaat ,05 Mei 2023

DISEDIAKAN OLEH :
UNIT KOMUNIKASI KORPORAT,
JABATAN PERKHIDMATAN VETERINAR MALAYSIA

Kotor, logo halal meragukan, pusat sembelih ayam diarah tutup		
MEDIA	RUANGAN	MUKA SURAT
Utusan Malaysia	Online	



GEORGE TOWN: Sebuah pusat penyembelihan ayam di Kampung Matahari Naik, Teluk Kumbar dekat sini, diarah tutup buat sementara waktu selepas didapati beroperasi dalam keadaan tidak bersih.

Penutupan selama dua minggu itu dibuat di bawah Seksyen 11 Akta Makanan 1983 oleh Pejabat Kesihatan Daerah (PKD) Barat Daya, malam tadi.

Terdahulu, premis itu diserbu dalam operasi bersepadu yang disertai oleh PKD Barat Daya; pejabat Kementerian Perdagangan Dalam Negeri dan Kos Sara Hidup (KPDN) negeri; Majlis Bandaraya Pulau Pinang (MBPP) dan Jabatan Perkhidmatan Veterinar Pulau Pinang (JPVPP).

Turut serta dalam operasi itu ialah Bahagian Pengurusan Halal (BHP) di Jabatan Hal Ehwal Agama Islam Negeri Pulau Pinang (JHEAINPP); Polis Diraja Malaysia (PDRM) serta beberapa agensi lain.

Sementara itu, BPH JHEAINPP dalam satu kenyataan memberitahu, selain beroperasi dalam keadaan tidak bersih, pusat penyembelihan ayam itu juga dikesan melakukan kesalahan ketika mempamerkan logo halal pada papan tanda premis berkenaan.

“Sehubungan itu, pihak syarikat (pemilik premis) telah diberi notis dan teguran untuk menanggalkan dan membuang logo halal serta perbincangan penandaan halal yang tertera di papan tanda jualan dengan segera.

“Tindakan (kemudian) telah diambil oleh pihak syarikat,” kata kenyataan itu.

Dalam perkembangan berkaitan, Ahli Dewan Undangan Negeri (ADUN) Bayan Lepas, Azrul Mahathir Aziz yang turut serta dalam operasi itu kecewa kerana mendakwa pemilik premis itu bukan beragama Islam dan mengupah penyembelih warga asing untuk menjalankan operasi di situ.

Katanya, hasil sembelihan itu pula telah dipasarkan di Pasar Tanjung Bungah dengan tidak bertanggungjawab apabila menggunakan logo halal yang jelas mengelirukan pembeli beragama Islam.

“Saya berharap tindakan tegas dikenakan supaya hal halal haram tidak dipermainkan sebegitu rupa demi untuk keuntungan perniagaan mereka,” katanya menerusi hantaran di Facebook miliknya, hari ini.

A1 A4

